

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 44. Innocentius Benedicto securitatis literas denegat.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

Sæcul. XV.
A.C. 1405.

*Juven. Ur-
fin. & Mo-
nach. S.
Dionys. in
hist. Ca-
roli VI.*

stræ fortunæ ludibria experiri debuit Pontifex, occasione nata ex militibus, quos secum adduxerat: aucto enim in dies eorum numero, Pontificis potentia Genuensibus suspecta fuit. Quare illi opportunum hasce copias recensendi locum obtendentes, illas dextere urbe extractas redditu intercluserunt. Ea re Benedictus haud parum commotus de injuria sibi illata graves ad senatum querelas deferebat. Ast Genuensibus a suscepto confilio nec latum unquam discentibus Papa necessitati temporis cedere cogebatur.

§. XLIV.

*Innocentius Benedic̄to salvum condu-
ctum denegat.*

Niem loc. cit. Exiguo post tempore Benedictus simulatum unionis studium prosequi cupiens, Innocentium Papam exorat, ut novis suis Oratoribus, quibus plenam pacis cum eo componendæ auctoritatem tribuisset, literas publicæ fidei testes daret: Quas tamen Innocentius Viterbiæ adhuc hærens vel Benedicti calliditatem veritus, vel pactum inire e re sua non esse arbitratus, concedere recusavit. Lætus hac repulsa Benedictus, datis sine mora ad omnes Provincias literis, æmulum

mulum suum ubique schismatis fautorem sæcul. XV.
proclamat; eoquod salvum conductum A.C. 1405.
(ut vocant) denegando unionis negotium promovere palam detrectasset. Innocentius hasce criminationes aliis longe prolixioribus epistolis refutaverat, atque eas dedita opera per totam Italiam spargi fecerat. Tali artificio ambo isti competitores nil nisi cessionis viam eludere, & quisque sibi Papalem Tiaram afferere studebant. (*) Innocentius, cum Synodus ad festum omnium Sanctorum indictam celebrari haud posse probe perspexisset, Bullam Viterbii die vigesima Octobris datam evulgat, in qua tum tumultus Roma excitatos, tum itinerum discrimina ad Concilium euntibus timenda exponit. Quapropter primam Maji diem anni sequentis præfixit, quo junctis viribus extinguendo schismati adlaborarent.

§. XLV.

(*) *Ob denegatum Legatis salvum conductum hoc vitium Innocentio perperam imputatur; perspectam enim & centies expertam habuit Petri de Luna perfidiam. Sincera econtra Innocentii pro unitate Ecclesiæ Papatu cedendi voluntas manifesta fit ex Concilio hanc in rem indicto, quod quidem præter suam culpam semel impeditum, omnino tamen alio tempore celebrari voluit.*